

弱

水

集

弱水集卷十一 五言排律

蒲城屈復悔翁著

曾孫來泰志同錄

長洲馬墣授疇

潔進齋

武陵陳長鎮宗五

評同邑後學

李震位東

校

南原春望感事五十韻

時三藩初平

長安紅日近京洛黑雲影地下高城郭

邑城遠望則樓卑近望則高

飛迥動搖新畠開細徑野水涸欹橋獨立驚駒隙因風
想徵韶平原曾曠覽此度際衝飈麥吐輕花秀禾舒擢
穎苗初當農務作正在晚春饒疾驅逢返牧健負昧歸
樵耳鳴轟霹靂目斷昧塵囂吹暗流鶯囀誰憐彩鳳飈

繁情霖雨意俯首瘠田焦不擬豐亨像翻爲祲沴標往

時離劫火茲縣任屠燒趙獲長平慘燕增節度驕素園

屯鐵甲

逆藩駐家素圖

比舍響銅鎚鷄寂高冠唱戈空短尾

刁將軍凶已極士卒氣愈驍粟轉供羣邑星馳過使輶

千秋傳古鼎十世守官窑器物何須計詩書不可要

書籍盡爲糧車載去

器物

同奏凱求穴痛遺噍鬼哭常經歲戶橫

匪一朝後三居始定耕九食無聊懷舊風仍厚方新俗

反澆果然紛簸蕩條爾遍荒徼人意殲蠻貊天心厭獍

梟湘中鼙鼓急漢上旆旌飄西北鯨鯢懼東南靖蟬

兵殘宜瓦解戰勝忽冰消虛辨鷗驅雀胡分鼠嚙猫請

纓吾所願未冠境難超椿老初衣彩荆孤屢折條甘羅
年太早尚父夢應遙身世魚遊金情懷鹿覆蕉螢燈明
永夕龍劖吼中宵醉裏梅如雪吟餘月滿瓢黃公猶及
漢皂帽且還遼本慕凌雲翩偏成刻木鷁偶來芳草坐
忽念酒帘招曳履投徐孺披襟思鄭僑道長莎滾滾樹
密屋翛翛衆煦聲能歇諸峯勢欲漂年年愁旱魃處處
絕泉澆邑無水鑿井灌田間架良云免門攤尚苦徭雨岐存古
諺五袴恐訛謠暝色催棲鳥笳音發麗譙徒看星擁彗
那解練凌霄去秋有白氣如匹練橫西極橫亘中天前一星尾如帚長數丈兆勝占奇
瑞徵亡現夜妖豈分夷與夏無匹管於蕭幽薌陽蒸霧

台灣海湧潮

寫逆藩屠城之慘只雞寂寥空已盡
寫逆藩之叛勢如轉丸結有餘意

往劉伯容仲昭書齋退久方至二十四韻

南灘榆莢晚北郭杏花初細隣鶯求友相思鹿駕車螢
燐采未徹硯墨瀋留餘茅索三楹屋東西二妙居風來
蘆箔捲日射紙窓虛班馬研朱點闌閨手錄書奎光衝
斗極龍氣滿平輿學溯江河遠家空僊石儲一村皆餉
儘十畝帶經鋤到畔應相對論文或暫祛遊閒殊靜者
懷抱亦微與力弱多狂態身孤乏幼舉琉璃傳劙匣豐
稔閭田閭易墮陳蕃志難爲鄭國渠邑無水田意欲通
白水南河功大不能舉辛非少習衣食計全疎舊德原儒業先人守敝
行

廬以茲同所棄何事獨交如時邁春光動陽回地氣舒
蜻蜓輕院宇蛱蝶艷裙裾門綠筠遙映堵青草不除也
情方寂寞吾道本瓊琚圖索燕王駿才看令僕驢負薪
歸麥隴夕照採園蔬伯仲能耕稼胼胝實起予

看杏花

新烟寒食路麥隴似池萍此日尋春色城東至近凋翠
英將爛熳曉露最娉婷手把仙人樹光流水藻瓶曲江
前事在村塢片時醒不值三元紫空浮五點青鴻飛方
遠寫燕語獨閒聽相賞惟文彩誰知是歲星

灞陵亭

南山如欲雪灞水氣先寒日暮行人少亭昏似夜闌枯
枝折高樹厲響落崩湍步步飛沙石森森服蕙蘭三秋
疑雨凍萬里覺風乾俄頃將軍故欺凌小吏難據巢羣
雀噪自獵一鷹盤况復塵埃下芳鮮且釣竿

讀書

桃李榮新雨烟雲散顚穹攤書對虛牖倚樹送飛鴻日
月光難隱山河意自通我心慚未滿人事濟何窮梁父
吟愁外治安策夢中微香生露影遠靄按芳叢忽覩一
花落悠悠萬慮空

見桃花開荆棘中

清明新霽後荆棘亂山前溪斷人誰過叢低色欲然牛
羊幸未識樵牧豈相憐風定迎朝霧虹潛映夕烟空羅
貧美女瓊島謫飛仙本自艷中艷應淪天外天寥落獨
攀折撥蔓恨糾纏寒地無閒客流鶯是杜鵑沈痛

郭汾陽祠

單騎烽烟靖孤城識華州中原遺恨在古殿故鄉秋靈
氣氤江海蓮花毓冕旒神歸臨大路雲起覆嵩邱簫鼓
朱絲醉乾坤一戰收釋疑功振主安必相封侯儼入真
王第看分九鼎憂龍池荒草合馬跡夜嘶遊兵不知何
意行人薦未休英風瞻颯爽畫壁敵咸劉旗幟翻精彩

塵埃隱繫囚苔迎新月色光照滿庭幽年少由來淺天
高不寄愁閒中無世事靜裏有心讎倘與蘭同伍生成
石可浮朋魚猶信及智力豈能求直轡巢由輩眞凌獲
育儔松陰深翠幄雪窟被羊裘落日廻梁棟飛霜利劒
矛徘徊思渭水嗚咽便橋流

雨後作

雲黑尊雷電幽禽刷羽翰如何西郭雨不過此檐端平
楚自流水新花增暮寒日夕餘光動庭昏照影單咫尺
田疇異塵埃壯志難山情遙換翠霞彩亦飛丹好是清
明際誰能濟旱乾

辛巳四月看麥苗作

麥秋色爲命

俗田百畝
麥十之九

雖我非田家四海有饑餒中心

且歎嗟廻風翻細浪翠隴萎輕花不必至芒種先期呈

歲華雲生如作雨日麗忽成霞正是三春後能珍數里
遐腰鎌人住立茂草影交加所賣愁驅犧長懷使種瓜
他時誰穫者猶自望汗耶

秋日長安城外遊覽終南清渭一帶山川古跡有
懷同志四十韻

牡丹與荷葉未見易凋傷黃鵠兼鸚鵡何時已遠颺雲
中宮殿啓物外鳳鸞翔風雅昭文武衣冠正漢唐長安

昔全盛秋色滿春芳遺跡非千里同心各一方合天沈
慘淡隨地屬蒼涼田畝盡徐步烟霞凝暗香梨園歌歷
歷樂府韻茫茫狐兔叫宣室鶴鳴柏梁伊人含素質
少日秉雕章法授孤虛大機知變化長離羣潛野鶴韜
箭待貪狼旣識星辰度安能珠玉裝鼠文驚是豹麟角
鄙爲羊望重應時忌貧居亦士常蓬蒿逃窄運株栗引
高岡葉落輕蟬翼禾飄乳燕頑前嶽誠所慕斯役景難
忘白點苔間粒紅斑草上霜子成功已就榮去萎何妨
螢火明幽澗蛩聲冷戰場攤書初結髮拔劒擊空囊業
許蘭充佩行持蕙作糧椿庭憂皓首芳樹背陰堂雁斷

孤餘影鶯飛病莫禳人生如夢寐自顧轉惆悵畏逮鷄
豚後愁過鄴杜傍覩形終効瑞在道愧知祥塵塈林泉
暮消磨日月光廻轍遵細柳駐馬問長楊八水清浮郭
羣峯翠滿隍蕭曹曾創闢郭李更騰驤羹有和神鼎絲
無釣玉璜惟聞裁柱石不盡險金湯每抵南山曲紆環
北斗陽兒童休制挺女子可褰裳屢欲泛滄海先期遊
故鄉十年同寂寂萬頃獨汪汪勝賞呈歸路重經若永
望

郿縣道中同佩玉作

石氣生寒色溪乾逕欲坍人家依斷壁蘿篠汲深潭浩

浩蕭關北陰陰太乙南吹簫原抱恨乞食豈能甘負此
林巖秀相將笑語參山高無雨雪風定漲烟嵐惆悵孫
吳事遺祠拜可慚

華陰城南村

薄天無異色野竹葉陰凝一逕入空翠孤村封曲陵蓮
花清化水石氣冷如冰暑烈催狂犬叢深有凍蠅如何
新雨後夜靜月華澄

擬唐省試行不由徑

路以岐成速澹臺視履明紛紛從闕捷坦坦自孤行高
節載途見芳塵隨足生心原無窮步動卽有遙情居易

任悠往去那方利貞得人旣如此天下宰宜平

春雪得寒字

湖山萋已綠雪灑翠雲端未掩千峯秀微明萬壑瀾當
春能致潔遇賞不知寒素影融桃李香叢散蕙蘭鶯啼
迷遷樹瑞積欲棲鸞漫尋芳草路郢曲和人難

蔡邕贈王粲書 得十二文

秦川貴公子少卽氣凌雲萬卷忽相贈中郎何出羣人
倫明月鑑古典大河墳偶發一時興同揚千載芬自娛
或可借生計豈堪分從此家藏秘無須閣是芸遺才曠
世見慷慨恨空聞試看登樓賦方知有道文

渭南道中有懷

幽姿不易得何處問仙源桂樹將招隱桃花亂落痕春
明清渭水人在紫蘭村求友鶯雙語鳴羣鹿自奔名堪
雄砥柱氣可控關門蓮勺烟光暮藍田玉色昏風流原
未墜悵望倘相存欲下南州榻同開十日樽讀書窺管
豹學劖誤山猿年少成蕭索身孤愛弟昆行旌方滾滾
征騎更紛紛往者長安道茲城接帝闈

宿張茅

萬古關山曲寒鴉晚噪餘土人皆穴處孤客憶樓居拆
起河聲壯燈昏草茫茫秦皇爭戰路漢帝往來興斷續

多行李蕭條僅市廬飛星過甕牖落月射冰爐匣劖當
今夕乾坤百鍊初

安樂窩

一窩安樂處海岳拱中州二室方遙望三山忽若浮雲
然感元化久矣慕前修土屋已無跡高風如尚留青雲
何所覆黃鳥自相求心邇古今遠晝成天地愁露香桃
李徑烟暖澗瀍流棟宇森新構神明擁畫樓絲綸無鄭
魏伯仲有伊周誰與知深蘊惟聞賞洞幽人家春不暮
隴麥意先秋從見村花落城南每獨遊推康節伊周
伯仲卓見

新安扶蒼月夜携酒過訪醉雪禪院寓齋分韻得

風字

涼雲麗渥水星斗入簾櫳偶結白蓮社新清丹桂風論
文寂鐘磬長嘯破鴻濛未覺松垂露如聞鶴唳空春來
幽谷道秋老上陽宮心事翔區外波濤起座中城高樓
突兀樹靜月玲瓏咳唾珠光碧燈花酒氣紅當禪別有
會欵客奏焦桐

遲孫方二茂才不至

欸欸鐘初動蒼蒼月未開禪扉關莫掩文會夜須來
下無琴韻山中鑄劖材方生秋夕桂孫子雪天梅驛路
終言別叢林只暫陪誰堪超世網並可冠倫魁細酌玉

壺茗香消金鼎灰飛星移柱立臥石聽更回吾慕風雲
氣時爲燕雀猜千羣塞上馬萬歲汾陽杯疎懶成多病
飄流遂不才微聞竹露響濕盡一園苔

往中岳半道金盡而返

不識嵩高路先經洛浦遊山花隨地放水鳥近人留馬
疾長鞭勇囊空壯士愁村醪凡幾醉野店恐難投仰面
閒雲變然眉積翠流夕陽猶在樹新月已如鉤二室豈
云遠中途聊且休羣峯三十六一一盪胸浮

乙亥春自洛陽之大梁雨行數日寄孫扶蒼茂

才三十韻

予懷扶蒼有
棗亭七言古

日麗三川去魂同九折臨波翻渤澥濶路入大河陰空曠蒼烟密行裝急雨侵繁臺隨縹緲嵩岳謝嶽嶽庶異舟中泛寧殊澤畔吟世情多陷穿達士是規箴吾友惟孫楚時人比索林莫窺元秘蘊能賞自然琛力學希長晝幽思轉曉參棗爲亭浩蕩竹覆逕清森一別逢浹漭連朝沐積淋只聞鳥雀語遙想鳳鸞寤桃李紛泥滓關山易滯滯溝平新有渡雲出豈無心已隔鄉千里如投海一針少年輕破浪大道本前沈未作濟川楫先聞流水琴覓途循險阻窘步費追尋麥索虛充腹藜羹尚不斟幾宵投漏舍每宿濕單衾欲賦豐年瑞難爲擊壤吟

風搖鷗影沒沙擁馬蹄深回首迷伊闕懸愁湧石林依然仙子宅穩臥闌風岑倒屣雖迎客蓬頭或脫簪近來曾載酒誰與共披襟良驟瞻離畢徒勞望蒲湛當車蠻奮臂羣食鹿鳴芩蒼頡應酬栗翁儒可賜金問君正春節何處得秋霖

大梁雪夜懷洛陽居止

今夜梁園雪他時洛浦松鬣橫原似馬鱗起欲成龍不入塵埃目偏搖磊塊胸滿身黃薜荔對面綠芙蓉每聽官街鼓如鳴佛殿鐘春陽曾野寺臘盡又開封畫閣三千尺高樓百二重徘徊明月下惆悵景雲從安樂餘佳

氣平泉洗靜容溪山留勝賞桃李識遺蹤
往夕霜猶薄閒墻草尚濃由來窮律變自是普天冬

玩新月

新月生蓮岳盈盈靜不飛關山烟似水河漢靄餘輝我
欲盡徐步誰能知所歸西風方寂寂白露漸依依不信
沈遙海何心戀翠微嵩高有良夜列宿淡將稀

丙子春自洛之燕道中以詩代書答新安進士五

十韻

星辰高瑞石步履越天衢西京賦豈伊不虔思於天衢注天氣四交之處謂東京也
水漲桃花渡形開赤縣圖凌霄憑驛騎負璧走蠶榆肝

瞻向誰是別離何處無曠觀新墳闢言吊舊皇都文物
雄長劍衣冠耀破觚科仍崇折桂邑尚例分符庶攬岡
陵壯方知禮樂殊逝將適西楚忽欲指東吳去住緣難
定蒼黃喘未蘇所私多汗漫臨發更踟蹰洛浦辭神域
梁園審潤區林泉誰德操市井伍齊奴近日推先輩何
期識大巫許深寧假羽交淺挺叢芻贈我瓊瑤句連篇
智慧珠商周遺鼎鼐蚌蚪著盤盂豈意芙蓉秀依然翡翠俱駕行曾射策雁影落鸞弧俗子徒爲爾斯文盡已
于留侯終虎嘯衛國竟龍屠自負人倫鑒同開柳下壚
鉛刀蒙淬礪醇酒解餓劬韻合雌雄管聲諧大小竽三

川通上谷千里本平蕪自古如弦直如今化險途荆榛
分隴畔車騎陷泥塗夜來防碩鼠朝起嘯於菟皮存毛
可附舟去擊先逋海內空知己樽前獨向隅中原昔簸
蕩九鼎攬桂苻追餉驕流盜嚴刑盡士夫李賊誘降士大夫被嚴刑追餉無者皆殺之然流賊人負數千金過富畏死遇戰自潰終以此敗酒還名福祿生未
可須臾烈烈君司馬桓桓氣鬪羣廟廊清議在忠節易
名呼從此繁鸞族相逢禮鳳雛寒家當聖代卑宦點朝
儒古柳栽仙掌堅冰貯玉壺風清心敢墜月滿跡方孤
力慚力士力愚過愚公愚經年棲佛寺稅駕僅城郭茶
沸濕薪火米炊香積厨霜威侵襍被雪氣透簷褕卽任

牽絲何能轉轆轤仙舟希李郭貴第得崔盧慷慨聯
棟幕從容托翠華已違塵路遠莫計水程迂興地長回
首他時可並驅英賢同出處兒輩祇榮枯膠漆那堪比
丹青誓不渝

早發

曠野天明早河陽月色低夢中猛虎嘯燈下寒螢啼仗
劍傍山去出門岐路迷心疑獨樹北光墮數峯西亂水
斷新逕濃霜滑舊蹊自歎非待免誰與共聞鷄淇與向
人遠朝雲依石棲首陽偶遙望征馬亦頻嘶

遇同鄉人

各出幽關道相逢博浪城儀容疑舊識萍水見鄉情衆
裏音先解餐前味已評大河有舟楫佳節近清明聽雨
高樓醉看花古岸晴曾來家信否歸去好同行

至聖先師墓

流水清吾道佳城此獨尊升天如可及觀海尚難言再
拜松杉路弘開日月門微波涵聖澤古樹蔭春原未遣
安巢烏樹無巢鳥應潛激浪鯢依依修漢祀杳杳異秦燔儒
術文章遠私衷禮樂存三年重築室一氣夢調元永住
神明宅長參造化根鬱葱通雨露縹緲乾坤蒼綠無
今古楷青有子孫不知洙泗外何處問董源

三承二四承一深
極與孟子意全別

細雨

日暖香塵薄霏霏雨半犁天恩成燕壘野老感鳩啼
夜花光好平空草色齊行邊孤客遠望裏曉天低洙泗
生餘潤關山滑滿蹊稍滋新隴麥已濕舊征衣欲避無
芳樹難歸牧乳羝風微絲冉冉雲淡氣萋萋何處開春
酒豐年有醉泥晝陰長似夢此路近回溪

由吾洞

在郊城縣
馬陵山

寂歷馬陵路迢迢深澗洞門扃白露谷口鎖蒼苔望
嶽山情遠登樓海氣來洞前有孔
子望海樓荒涼鄰子國突兀禹

王臺紅葉穿雲落黃花抱石開山吾如不死松下盡餘

醉

古寺

古寺明湖上看山對歷城鳬鷗流水處菡萏淡香生暑氣塵騰焰叢林境自清亦知松有韻不過佛無情岱落遙空色泉飛近郭聲偶然來靜坐聊可薄浮榮剪翦燕雙語時時蟬一鳴老僧衝日去蘿薜定何營

南陽湖雨泊感舊述懷寄終南隱者四十韻

短棹南陽去斜陽夾岸紅數聲雷擊浪一葉艇翻風驟雨急催舵崩雪低壓篷愁分天極北眼暗地維東咫尺

遙齊魯飛揚接沛豐心傳懸聖澤帝業擅神功未覩絃
歌盛如聞鼓角雄須臾窺突兀忽倏躡穹崇吊古千秋
近懷賢萬里通柴桑黃菊叟商洛紫芝翁避宋時雖否
逃秦遇未窮知君衣薜荔幽谷飯蒿蓬坐久機先靜居
深理自融學書抽虎僕築室像蠻蠅境遠休誇若山傾
任舞馮投壺多玉女拔木劇豐隆高枕方舒足長眠懶
曲躬卽沈兜率殿難沒蝸牛宮此際遙欣美予情稍擴
充少年誠冒昧長響出嶠澗六合橫流處微軀獨在濛
蛟螭爭躍陸魚鱉共夷寥遂使村連邑皆成箭射洪屋
平堆石蛤人化聚沙蟲勢欲吞雲夢疑將沒華嵩淮徐

源可滙泰岱漫相同范猷猶漂泛張書更潰濱霧蒸真
隱豹烟漲落冥鴻豈敢嗟蘭畹寧暇問桂叢乾坤新混
沌宇宙小艨艟幸挹餘生慶甘爲有朕瞻險過思壯志
事往悔愚衷妄貌文駢駢虛輕楚重瞳星輝徐耀劖月
早挂鸞弓靈囿麟遊藪來儀鳳下空黃河清徹底滄海
晏如讐長餓何其拙多錢本易工堪嗤絕裾嶠果誤乘
縕終身世波聲裏希微電影中故鄉歸便得俯仰脫樊
籠

鮑叔牙墓

後世知已猶易同時甚
難有激而言未必確也

所嗟微管仲魯叟後方論花雨滋桃李荒原拜棘榛不

才時未至吊古實傷神當世無知己佳城有可人差池
朔翡翠埋沒臥麒麟烈烈匡天下棲棲走海濱啼鶯猶
命侶結屋此爲隣淚落風雲斷蒼涼萬里春

賦得楊柳入樓吹玉笛

山東李撫軍試題擬作

楊柳江南曲何緣入畫樓美人愛良夜玉笛似清謳旖
旎絲千縷關山月一鉤魂消朱檻發簾捲綠烟浮濃露
高難折微雲淡欲收漫催思舊賦長壓武溪遊萬籟意
俱寂三更聲倍幽西烏啼陌樹北雁過沙洲韻別梅花
落情連漢水流依依繞梁棟娘娘美輕柔爲有知音賞
春風度不休

題甚難解
清出可賞

重謁問官祠三十二韻

問官存故里遺廟鎮新阡國有山河在名隨聖哲傳東
風清素壁春雨老芳荃棟宇明霞落璇題積雪懸星杓
繁似蟻驛路直如弦憑吊應多矣遊觀蓋有焉培壠羅
疊嶂瑣細抱流泉沐繞近郊綠沂洞荒野漣馬陵森律
峯羽岫走蜿蜒俱拱宮墻迥遙分氣象偏孤城嚴俎豆
舊俗供几筵鳳紀洪荒外鵠班耳目邊博聞才廣大知
祖論源淵幾見附庸主能師無位賢主璋光國典華蓋
炳星躔社稷靈如在春秋運獨全會期曾八百封建或
三十富貴終蕪沒公侯盡棄捐轉蓬無定跡薦藻是何

年往者方垂翹重來未著鞭餘風猶若此遺像並依然
苔上空堦靜花飛玉座聯乾坤仍魯甸日月尚金天有
樹皆梨栗無人不耳玄鳥鴉朝旦暮洙泗響潺湲至德
闡吳伯逸民稱少連幽微成顯著聲氣賴周旋尚友逢
時晚諸人并我先飄搖探赤水棲托鬻青氊何處啼黃
鳥曾聞似杜鵑古碑墳姓字異代仰陶甄心附青雲在
庭昏返照懸

史公云非附青雲惡能聲施後世篇終橫插至德一設通首全是以意

漢柏

武帝恩波迴東皇雨露深至今留古柏拔地出巖峯得
壽三千載傍枝數百尋日射龍鱗老天連黛色沉殷社

知何處秦封耻共林文章寧露色渤海遠垂陰惟待鳳
鸞宿莫辭霜雪侵介邱如息駕貞幹可披襟雲湧鬱葱
氣風清霄漢音岱宗欣所托炎德固難任

祖洲神芝

天地終無極波濤外有芝仙洲浮遠海瑞草產何時誰
識靈根長惟應秘府知寶結日偏照香聞春所私朱光
紛爍爛綠葉放參差清風安可引元氣自堪持未許徐
生採虛傳曼倩窺根盤龍虎衛名重鬼神司水與三山
濶雲隨五色移商南如可學此日願相遺

阻雨

行潦忽潺湲涓涓響野營我家在涇渭路入晉區寰四

面陰雲重孤城暮雨間無人堪假蓋何處得虛閒

詩誰知草茅遷
占此尚虛閒薛能春雨

酒肆茅容樹心情郭泰顏窓中千嶂合

門外一溪環飲賞鵝兒色餐餘雉子班馬蹄滯泥滓雁

影沒汀灣昨日經汾水遙天滿介山獨看花泡浥並坐

鳥蠻蠻倘得同蘭蕙何能謝尹班仙舟安可望濁醕不堪

攀又是簷聲落長愁古道艱蕭條封忌坂演漾暗壺

過大行

仗劍行千里離家已二毛春光流水去日暮大行高龍

脊乘難穩羊腸踏欲牢雪消陰更險逕仄滑於膏逸興
忽飛動閒愁漫抑搔偶回三晉首直控五原尻世鮮南
宮敬誰知北郭騷朝周輕玉馬入海釣金鼈風力臨崖
猛雲情作雨豪關山猶未極登頓敢辭勞

九日

山寒疑有雨九日偶村莊帘影浮空近清風灌頂涼螭
廬茅索瓦牛叟草編裳濟險知何事登高不望鄉目前
青壁轉嶺外白雲長疲馬駝殘醉孤鴻過首陽煙霞猶
太古水石著餘香遠道度佳節單衣行未央菊花巖壑
底終歲可經霜

記遇

脈脈臨岐路丁丁出斷崖深山何處發逸韻與心諧道
離聲去邯鄲遠人逢燕趙佳纖腰新柳帶翠鬢舊荆釵會
此踟蹰意隨君指引借船回多山逕宛轉得空齋棗竹
陰蓬戶青苔覆土墻涓涓流水過清濁渺予懷前事已
難問少年多所乖若邪羞越艷靈館失吳娃桃李花零
落沉冥雨易埋夢中無限好窓外有高槐

客舍

客舍翠嵐上下看煙霧生三更吐華月千里有長程夜
永村醪熟雲歸塞雁鳴梅花落玉笛錦字弄機聲欲擡

不盈把因風何限情前途正無極一照關山明

長子早發

投筆封侯事埋雲怪樹蹊夢中精衛叫覺後曉鳥啼出
谷星方淡登山月易低自憐非運甓長恨獨聞鷄索索
履寒石潺潺經淺溪飄然拔劍去日上數峰西

樵者留宿

馬嘶忽停轡歷陸認嶽崿石滑清流轉霜濃野蔓枯偶
然遇樵者問向何天衢防盜還愁虎長征亦畏途風波
兼晝夜生死只須臾深谷人煙少前林庚癸呼魚龍化
洪浪鬼兔走荒闊且宿巖間穴鑑乘海上桴宵眠橫藻

薦晚食煮蕓萋明月千峰出隣家四面無羨君甘淡泊
搔首更踟蹰聊遯幼安世從穿孟德翁經過多郡邑互
騎是萑苻豈意草茅士真非章句儒全秦當落日三晉
際寒燕揮手平明去空山尚寡虞

如此高人不具姓名何也

定遠道中

春曉張橋驛花香開翠微行人殘夢破長嘯壯心違露
重藏林密風來作雨飛煙霞饒古意村塢啟柴扉忽望
漆園樹初舒朝日暉陰陵無往跡水際有魚磯前路尚
云遠暮禽先已歸欲投茅店去新月上征衣

行次合肥

雨後夕陽靜。予情多阻修。山烟光似水。溪色冷於秋。忽爾結遐想。無端成薄遊。雲開金斗驛。霞起九華樓。鳬雁飢仍在。雞豚飽不留。少年方落魄。勝日盡離憂。破賊聞兒輩。鏖兵記仲謀。消除三國恨。瀰漫八公愁。何意窮途哭。偏逢一逕幽。晚陰生野竹。涼影渡回流。月好長如此。花明亦未休。雄風杳無際。江上問漁舟。

賦得晨宵懷至理 三十四韻

館課題

百年滋雅化。六合盡王臣。脉脉天京意。迢迢海嶠春。深秋蓮漏永。長晝曙霞新。胥次關何事。光陰共轉輪。方將偕往古。本自慕還淳。湯網曾三面。虞戈亦七旬。軒車駿

彩鳳耕稼服麒麟指僂堦前草名儒席上珍垂衣良足
托羣聖並相因試看磻溪釣依然夢卜人高明成煥炳
道德重推循朗朗瞻南極煌煌耀北辰紅芳過未賞黃
鳥轉猶頻寤寐如流水澑澑每達晨盈庭裁柱石列郡
樹松筠安得條風便能令細雨勻嘉禾紛翼翼瑞爾累
莘莘宋祀昭行葦田家賦采蘋漫漫清驛路蕩蕩靜邊
塵豈必樓爲玉寧勞甕是銀觀心期匪懈最善莫如仁
帶露開閭閨焚香禱絳津念茲環日月顚若遍乾坤兆
庶歌無逸嵩高自有神

賦得野含時雨潤二十四韻

館課題

天連芳樹淨地共曉霞滋久是當春後應憐與霽宜新
流鳴澗壑高閣迥參差漸歇林藏點能存夜散絲良苗
浮鬱鬱生意忽離離正值榮華候難逢暢茂時蔬麻迷
龍畔黍稷若淋漓耦語耘鋤緩肩行饁餉遲前原紛綺
麗下隰肆漣漪處處青茭色郁郁滌蕩姿立身非峻極
餘澤豈全窺嶺逼星河近神遊岱華卑分明懸玉宇宛
在貯潢池萬里蒸佳氣千山濯曜儀羣飛乾白鷺巧轉
墨黃鶴藹藹松筠翠陰陰桃李垂牧策青草路漁網綠
楊枝體物承晴液閒心感大慈並添盈畝秀已兆慶農
基上帝留靈貺東郊自保釐太平原有象沉潛本無不

漢表塵埃靜薰風取次吹德輝三伏博功歛九垓熙夏
日輕露影恩光帶露披

青眼書屋詠紫薇得一先

丰茸名畫省濃艷發涼煙況有書連屋方來雨後天赤
城霞正起紅藥影同妍動近麻姑爪幽隨靜女肩已聞
開百日相賞可經年秋色深寒雁微香冷暮蟬月遲雲
外桂珠滿露中蓮節物來何暮飄零轉自憐叢生深谷
裏移就曉階前美酒斟瓊液良朋集列仙合看荀令宅
高詠右丞篇

古鼎得七陽

神功參水火重器著陰陽尚見鉉仍玉由來耳是黃蛟
龍初出土魑魅敢爭光他日甘泉說開周郊廓疆時移
輕俎豆俗好賤壺觴濩落原無用烹調豈有方雲雷通
上界川岳鎮中央四海風如律百靈心自香乾坤誰歡
冕宗廟此蒸嘗豫測秦興恭空知楚問狂支祈元吉在
菌蠢利貞長文運應全闢深山莫久藏

禹廟

崑崙連太乙溟渤奠扶桑會此朝羣岳功誰邁百王冕
旒遺廟在書簡暮雲荒率土人登陞開天日日照梁安知
興禮樂如見肅冠裳精一流江海神明接混茫雲霞皆

化水星宿盡爲章階樹魚龍影溪花玉帛光平成原浩
蕩天地忽低昂四陸池鯢躍九州笯鳳翔許身非少壯
伏櫪每飛揚心有陶均大時無橘柚香

唐人有詩參
看方知其佳

於立上虞縣署

峰巒浮野水解宇圮重門一閣橫空起雙池受雨潭故
人官就此過客偶相存長路衝雲濕經旬宿霧昏階深
通遠漲窗迥出高原泉潔當檐吼蛙聲入座喧早休人
吏役誰識縣符尊偶向松間奕時開竹裏樽功名應有
數日月不生根鵠雁思凌漢神騷力負坤中堂留虎跡
小逕納鯨奔樵子歌緣樹漁童釣傍軒若無蓮葉漏何

易才集
卷十一
三
異杏花村意協飛青雀才雄說白猿不疲迎送擾猶勝
簿書煩且喜黃梅子偏宜長稻孫

燕山秋日送許方亨令弟赴蜀省兄寄訊述懷之

作一百韻

許以纂修古今圖書集成任蜀令丁
艱乾隆丙辰起服仍發川補用未審

得何
邑也

棧與雲爭道人隨雁一行潛深今昔感頓起結交望穿
密千絲網尖圍萬點槍驚濤搖劒閣奔峭橫去聲瞿唐割
據西南歌青華日月光平居期命駕奮翼戢空囊直上
青天易遙登赤甲長猿猱愁絕壁參井竟開疆歲晚連
枝曾秋清勁翮翔至情無險境索笑及寒香七載仍幽

薦同袍肆慨慷慨烟霞投末契綺紵却遺殃突爾攢鳴鐘
徒勞結佩纁娉婷全倒篋槐棘盡傾箱旦旦堅膠漆忽
忽略喪亡鼠文矜虎脊豹變納鷄腸憶詠秣陵月牽帆
吳越檣殘金壇王氣素志負龍驤婉婉發聲鳥嚶嚶鳴
柳塘盈盈初化蝶裊裊宿花房歌舞憐西子繁華惜仲
皇旋歸乘興棹却遍指車觴卽握青囊術惟醫半腐創
塵寰乖律呂嶰谷自宮商幸復承明謁寧希抱炭涼別
離催調發風雪罷雷破狐聽凌凌渡鼈排策策梁燕陲
寒起粟秦樹亂如芒履坦車偏仄嘶馬欲僵英雄恢
潤閱頑懦戀池湟鞭著過流電身輕疾脫轄雖爲長社

宰勝作校書郎祖餞邑侯禮醇醪仙桂漿大邱才道廣
綿竹本循良共羨羅浮石誰疑越使裝兼衣盤練帶雨
綬綰銀章湛湛滋桃李輝輝照紀綱貪珠機遠鑒測海
勢難量榻尚南州下行踰伯醜狂孫崧推表範引劉綸
來執贊
百藥重圭璋贈仙茅一封煮食加薇蕨裁衣繫荔荒鼓鐘慚

問答絃管少鏗鏘體物連城外相思朗月傍夢尋迷萬
里鱗斷又三霜詞拙驅元亮途窮老薛方非甘辭辟名
聊可立松篁淋涼蓬茅姑欹斜泓盤妨御風垣閃閃晴
雨屋洋洋漸近黃花候休兼白石糧中尉灰土鉢一僕
瘦廻廊草意欲封徑苔痕空杜墻六街蓮漏永曲巷馬

踏鞶節拍噓唧嘈去聲鈴音替戾岡善爲陳散樂誰啟造

浮航夕擁錦衾爛朝燔羶味薌菰蒲紛翠節羽葆隕扶

桑依舊蠟蠅塞睽違丁卯莊遭逢身世在留滯羽毛傷

衣爲友人
借贊盡往者俱漂泊悠然任粧糠袁綠明長事季布

賴游揚君纂書東觀予棲寺北廂烹泉瓶罄竭畢景燭

熒煌緩急時容有希微夙並彰正宜中夜舞焉待萬鍾

藏脫略樵蘇爨悲歌市井坊稱名誣董賈末論忌班揚

弔古存城郭沾襟忽激昂妖氛萌白翟突騎躡中央角

吹仙山暗沙沈廣殿黃不成捫蟻蟲遺恨失豺狼回首

悲陳跡衰容隔故鄉幾時還子午何日度琅璫溽暑聞

遷擢岩堯次杏林理繁誠簡略化俗更慈祥車下鳴鶻
螭桐華集鳳凰每於農課隙定獲靜琴張摛藻于星斗
同時感帝王日斜滌器宅吟到浣花堂形勝開峩域登
臨覽巨防雨來清廣漢雲去入平羌躍馬何云淺飛龍
豈盡強高由雄汎讀況渭勢况躡健牂細酌邛筒酒鮮烹
丙穴鮀滿川呈淨景密座頌滄浪相識一言善新知百
鍊鋼公明奇孔曜劉何許陳湯俯仰復何有丹青不可
忘逐波鳬泛泛歷塊驥昂昂先生威宜遠宗臣愛彌芳
蕭條遺廟在想像奧區荒事異披金匱功侔釣玉璜閭
閣虔蕙籍慘淡薦蘭馨遠宦瞻虛殿增修亦典常采恩

龍鳥雀碧瓦葺鴛鴦松柏參天色陰森六月暘神明通
宇宙寤寐肅冠裳爲訊西川令曾懷兩鬢蒼暮堪錐脫
穎遲且弩收鉛孤憤愁搖落餘生謝簾颺還將對華萼
記否客漁陽

杜

喜弟觀到詩巡檐索共梅花笑冷葉疎枝瘦不禁

獨志諸葛亮之素志述欲龍驤虎視又晉書王

濟

爲龍驤將軍急就篇程忠信吳仲皇注周太王

之子大伯始封於吳仲音次伯之下王者正也大也

韓詩外傳

子路與巫馬期薪于蘊邱之下陳之富

人有處師氏者指車百乘篲于蘊邱之上子路曰得

此富

終身無復見夫子子爲之乎巫馬期閑然投鎌

于地子路慚負薪先歸魏志華陀傳注有人病腹

中半切痛陀云是脾半腐也使飲藥令卧破腹就視

脾果半腐壞刮去惡肉以膏傅創飲之以藥百日平

復附魏志高柔傳注孫盛曰信不足焉而祈物之必

附猶生

于我而望彼之必懷何異挾冰求溫抱炭希

涼者哉。後漢書儒林傳歐陽欽此爲博士而恭儉好禮讓王莽時爲長社宰隋開皇初徵入朝見公卿不爲禮無貴戚皆汝之魏志邴原訪孫崧崧曰君鄉里郭君接範也。爾雅充東叢注荒薜荔也。又西京賦草則葴莎菅蒯薇蕨荔芳荒。禮記善待問者如撞鐘又謝承後漢書董春升講堂鳥鼓請業。絃管漢張禹事。世說清風朗月輒思許玄度。韓非子張敏與高惠爲友三夢三達。陶潛乞食詩飢來驅我去不即欲何之。又叩門抽言詞。梁昭明太子啓不從州縣之璫立松墓之間。文選秋菊兼餽糧石爲糧江淹報袁叔明書寒潭絕賓杜牆不出成公綏肅賦若節若繩砌張振隱匱疏卿嘈晉書佛國澄傳劉曜自攻洛陽石勒將救之請澄澄曰相輪鈴音云秀支昔戾國漢谷劬常云云擁錦衾見五代史禮記建康朝事炳廢劉蕡見以蕭光以報氣也。管子萬乘之國必有萬鍊之城。應璩與曹長思書幸有求生時步玉趾樵蘇不爨清談而已白翟今郎州指李賊也。子午谷琅環驛月令是月也豐蠟鳴蜀有桐華鳳何遜七召論溫

湖之美鱠切丙穴之嘉飴一言善見左傳杜詩

武侯祠堂不可忘中有松柏參天長又諸葛蜀人愛

蜀有

花萼山

通篇九段一段四句一赴蜀二省兄兼點秋日三四

奇訊速懷之由今昔結交二句一篇之主二段穿密

四句實寫蜀道之難割據四句平生慕此地事業文

章欲往不能今因送人自傷有志不遂也此一篇之

意直上四句虛寫蜀道之難歲晚四句送行正文兼

點秋日此後不更及其弟至末始有花萼一句遙應

者與其兄有交與其弟無交也因兄弟而感朋友因

送其弟而念其兄也前八句昔後八句今也三段自

七載至豹變句言此來燕山又經七載友道如土不

勝感歎以上今也自憶詠以下至却遍句言友道如

土天下皆然以上昔也中間鼠文豹變等句又傍應

青華日月意殘金仲皇等句又傍應割據西南意也

卽握青囊四句收上起下四段幸復四句總提下文

自孤聽句至勝作校書句承別離催調發二句望其

勿辭行路之難建立事業見相期之深也止寫燕歌

之寒秦路之險者二段已寫蜀道茲不重寫且燕歌

已難如此蜀道之難更可知矣又傍應割據意自初
餞至體物相思句承幸復承明二句言所贈之厚且
文見意暢尚南州等句又傍應菁華意以上皆昔也
夢尋二句收上起下五段身世之感自詞拙至苔痕
杜墻句身也虛寫友道如土又傍應菁華意自六街
至羽葆四句世也又傍應割據意以上皆今也依舊
四句收上起下六段言昔本貧賤之交曾通有無董
賈等句又傍應菁華意弔古至遺恨句見相知之深
又傍應割據意以上皆昔也回首四句收上起下七
段寄託正文源暑八句新政捐藻四句實寫日月光
形勝八句實寫割據西南歌細酌八句寫今日之富
貴應往者一段貧賤寫今日之新交應往日之舊交
以上今昔合寫也俯仰二句收上起下八段先主武
侯以君臣喻朋友也逐波二句言他令不能修遺廟
許必能之倒插法數千里外尚寤寐不忘况親至其
地乎千載以上猶相感況同時乎暢其修廟之意也
九段總結堪不堪也努收鉛喻將死也孤憤句昔苦
前歲月也餘生句不望友朋濟困也花萼兄弟蜀然
雙結頭緒雖多一絲不亂又意在言外

許君位不過縣令又迢迢萬里卽友誼甚篤亦恐弊
長不及燕山一別鱗斷三霜一紙書且難之况他乎
哉金粟老人年過古稀來日有限豈能待其餘潤乃
寄此百韻其意何居予觀通篇慷慨激揚前有寧希
抱炭涼句後有餘生謝簾櫳句全為友道如土
借酒盃澆磊塊耳若作望許振拔看謬千里矣

送王壽章令杞縣二十四韻

華纓竦輕轡剪燭惜分陰意氣冥飛動行藏穩陸沈奇
勲盧汗馬壯志耻冥蟬無日不相見有時還繼音高雲
外黃雁片月漁陽砧祇節恨知晚論才寧謝任凌寒嵩
嶽下破浪大河潯車發遵畦稜_峯波平歇暮霖澄清流
漢水桃李放榆林曾任漢陰榆林二邑兩聽絃歌頌三鳴舞鶴琴
中條遙岌岌翠柏近森森信邁韋弦弦佩何矜瑣碧簪性

情人所棄軒冕世爲琛德色負升斗貧交空古今文闈
誰謬敬季布豈多金夢去看新理愁來費獨尋欲歸迷
北塞垂老望西岑宇宙東形影江湖疲照臨穆生辭醴
數顏闔避微深劙吼琉璃匣星橫左右參神州涼露滿
別路曉風侵海與魚龍夜天勞蟋蟀吟寂寥霾漲霧肝
膽對披襟焉用庖丁技能忘涓子心約梓者

書池

送蕉園知西寧府

原任甘山道上載

十六韻

又向湟中去朱幡曜寵光七年風草意一郡雨花香馬識河西路人啣冀北觴正當降沛澤况復近端陽賦已欺鸚鵡書原舞鳳凰行旌炎暑遠攬轡塞雲長握節卽

軍府出郊連大荒番僧雜羌虜此輩豈馴良廉飲三危
露明無六月霜美人彈趙瑟童子靜琴牀命侶玩春鳥
閒情吟夕涼始知兼武略夙信擅文場至慎無如阮輕
裘孰似羊青燈照秋水佩之觀察寬厚本天潢濟齊永往事須
相念重來更自防勤勞休臥理坐嘯奠金湯

癸丑中秋某司空招同人宴集

各賦十
六韻

今夜燕山月晴光萬里同海賈云宇內惟中秋同一陰晴忽更新海宇
俱在廣寒宮如霰飛無跡微雲淡亦融星稀箕尾北影
墮日華東不謂逢佳節依然轉斷蓬遙天紅桂樹大地
白頭翁冠佩聯瑤席文章有巨公羣遊來野鶴六翮附

冥鴻酒氣香成霧蘭英秀滿叢霓裳消巷陌河漢近簾
櫂大吹御堤柳鳥啼金井桐誰家猶美笛此地尚吟風
能使歸心切何當遠照通樽前仙掌露意外霸橋驄十
二樓如水三千界似空誰知閒玉斧又過九秋中

致齋郎中招飲琉璃閣因晤工部諸君歸夜成長
律二十四韻贈盧員外

野鶴遊江海安知接步廊諸君叢桂樹炎暑啟芝坊雷
電夜來過風清鐘後涼烟消螢火碧月出露花芳獨坐
懷仙署清言引興長聰明凝管輅著作擬京房預卜披
衣色小字子衣自果然虛名倒屣忙塵纓蒙散漫流木濯滄浪不

吳餐霞氣寧殊漱瀝漿數峰西郭外共晏五雲傍如下
陰山雪兼焚畫省香琉璃堆燦爛宮殿瓦鴛鴦然愧貴
公子舉爲金部郎正音聞典午逸韻自齊梁沈范推何
遜巢山慕薛方老耽黃菊酒少好紫羅囊高唱真痴絕
辭徵豈詐狂九州多舊雨六月化新霜然諾雖相許
騷遂善藏青雲難得士白首欲還鄉盡指歌秦企偏增
適越裝羽毛聊可假齒舌未能忘大力闢飛動開心琢
璧璋敢希通隱跡翰墨發餘光

擬雍正元年江南進兩岐麥秀恭紀

分韻得一先

卿雲迎曉日瑞麥表江天新自來千里琴方奏五絃背

聞大康歲今邁永嘉年聖德重華遠物情元首連園陵
恭薦後雨露拜恩偏芬頴陳三殿歌聲遍八埏

擬雍正元年冬至前二日瑞雪羣臣應制

豐年生寶鼎飛雪正垂裳葭琯灰將動幽蘭曲已芳律
飄瑞葉早花借御衣香密密圍金屋紛紛集玉堂潔隨
天地潤明徹海山光感德來蕙嶺流輝濕謝莊侍臣齊
鵠立璠殿進霞觴潤色搖銀海韶音奏柏梁書雲涵聖
澤添線待春陽孔竹資清化雷鼓自履長獻銘兼獻瑞
迎日預迎祥和氣占三白新恩慶萬方

董大史

秦過寓齋時蝶園尚書

徐元

教習庶吉七

舉以自代

安貧二十載復得坐臯比未改簾瓢性依然背相臞和
風噓黍谷凍雨起春蕪詞翰多新侶招尋及腐儒朝聞
瞻帝座夕已潤皇都三老原山斗東方仰範模勲名高
鶴筭經術授龍駒衣鉢傳心印生徒見大巫遊燕非石
隱填海是專愚意氣連鰲餌潛鱣縛虎符談天留舌在
縮地置錐無土銓封餘火霜毫折晚蒲六街通雪窟百
歲半泥途自甲戌至乾隆辛酉客遊四十八年矣世路何翻覆親疎視菀
枯經時惟食柏此日似棲梧露吸金仙掌冰餐玉女壺
飛揚驚僕從疾病忽昭蘇少住關飛動西牕興不孤

易水集
過梁家園

芍藥花開日人傳古洛陽同雲今欲雪獨步冷餘芳布
地千章錦薰天十里香運會亭臺秀時移日月涼家園
寧異此故物豈能忘上苑增蔥蒨浮雲入混茫目矇清
渭水心爇薊門霜城郭重回首寒風對未央

薊邱覽古

皇都雄險阻滿目舊山川沙擁驚麪動雲咽落日圓金
元留故跡城郭鬱寒烟閣道通宮殿觚稜盪宛延丹青
人換世麗彩縷飛仙霞蔚蒸華蓋星羅拱奉天朝廷豐
碩果草野少遺賢奕葉盤根大長流積玉淵綠林驅猢

犬紫禁化飛鳶萬里沙沉磧中原雪覆鵠牛毛諸令盡
狼尾夙逋蠲是考皆循吏安能至引弦平生遊海岳垂
老又幽燕灰心空弔古破產那歸田翮高疲冷雁聲斷
費鳴蟬飲恨幽蘭露餘情象緯鮮誰家排甲第重陞啟
芳筵到處桃花馬相逢杏葉鞬兵戈寰宇動形勝古今
傳王氣消江左靈光毓朔邊沸驕塵易暮交錯事爭先
入市非求利閒行懶着鞭軒轅曾置邑召奭久來宣一
國猶終始成周八百年

萬柳堂

野雲何世代別墅得清嘉高柳數株在風流終古賒三

光收雁塞九鼎鎮龍沙雨露封泥淳塵埃望翠華磬聲僧托鉢橋斷水鳴蛙此日閒人少孤遊蘚逕斜飄零諸學士詩酒屬誰家雙闌明殘照重城落晚霞金臺荒草陌上苑玉泉涯欲製遺山曲難逢解語花怡園王相國別業無瓦礫錢虧競騎奢四野聞歌舞池亭錯大牙

仕宦窮忙富兒快
樂一對照可見

擬應制賦得大哉精一傳

十六韻

虞廷何所有精一著遺絹襪是唐堯始中從夏禹傳清寧如可見純粹豈能詮至靜涵摹動無爲法自然此時方授受因物任推遷位育重瞻上綱緼八彩前垂衣端

敬冕合德奠山川肅殺冰霜正雍熙雨露偏於今十六
字終古四千年蕩蕩塵埃靜煌煌日月懸皇衷凝厚地
紫極格遙天默運神明宰長參造化權源流八卦後開
闢九疇先聖聖承餘烈心心印廣淵三才歸鼓鑄萬象
奉陶甄永命危微澤薰風奏五絃

滿井

井高于地泉高于井無收有幹散漫四溢冬夏不竭都城貴家飲食俱此水也

安定門東去清泉井上浮以高功濟物雖滿覆何愁中
道遙相望將行且少留滋深芳草潤光射古藤幽斟酌
當三伏甘寒邁九秋銀牀盈宇宙素綆任遐修好鳥須

沈影常魚未敢遊
闌干遮不住散漫自橫流
每煮牕前茗
寧知飲有由
梅花偏大遠趵突並無收車馬
皇都密春冬
永日求萬家烟火者誰到此源頭

白雲觀

王樓冠星海金闢寄霞昕勝日花燈後傾城樂事紛

正月

十九日通國遊白雲觀少年射花馬箭蹏蹏等類百戲俱陳曰無九谷神能不死帝里竟

流芬大力開瓊宇遙看是白雲松風靈籟爽瑞靄積香

薰每降天王座來朝太乙君蜂窩已仙去

有羅道士立蜂窩中十餘死封真人

蟻聚率同羣遊依青絲繩佳人百褶裙先

真如可遇阿堵爲誰分

遊食道士多作仙人狀默坐男女競叩首投錢車馬駛

殘雪喧填歛夕曛乘鸞多在望駕鶴恨空聞喚起長春子相隨凌紫氛

孔水洞

流出桃花片相傳恐未真崎嶇臨古洞森爽值秋旻珠落飛爲雨簾垂皎若神靈門淡淡月窟石粼粼樹密行帷蓋巖深坐幄茵樵夫分野火煮茗拾香薪偶爾武陵意居然漁父因依稀翔白燕彷彿見赬鱗颺颺鳴霜葉蕭蕭打角巾千峰廻碧落萬里隔紅塵往事曾浮艇高懷重問津玉堂應有路奧室本無隣暮靄雲生足清風露滴身何能浴鷗鷺安肯受萍蘋絲竹如聞響烟嵐

別是春此中定心許知我亦秦人

碧雲寺

寺後有魏忠賢墓忠賢戮尸未嘗葬此聞係崇禎甲申都城破後其黨爲之者

未到碧雲寺鐘聲數里圓望門籠黛色染袂拂香荃棟

宇前朝落丹青曉景鮮憑空援石磴蓄翠繞金仙葉蔭

雙銀杏花開白白蓮峰峰卓錫杖瀛瀛奏琴絃道在三

明外神棲萬象顛齋心臨廣野濯足就深淵幽隱自相

憇超騰非解禪涼風爭午焰暑氣逆崇玄有墓崔巍出

何王陵寢偏豐碑凌禁籞

山陵之制不遇樹碑忠賢乃用二碑

翁仲儼

朝天赫赫虎羊列森森駝馬鐫

安知斃狐鼠遂敢玷山

川宇宙多豪士輝煌尚久延封章彈鬼窟

屯田郎中萬景疏曰臣過

碧雲寺見魏忠賢所營墳墓制作規模彷彿凌寢
云云聞近有御史疏奏宜急令拆毀至今尚存名利

近天邊留恨堪遲暮雄飛分拘攣探囊惟一劍無路著
先鞭好是琉璃界惜茲清淨緣紅塵紛不入恬翼夕應
還海岳迎殘照蒼茫迴暮烟松濤悲往事梵唄咽流泉
況復乾坤大殊令晝夜懸誰能灑靈雨直爲洗腥羶

前段極寫碧雲清潔正與後段穢汙對照結恨無權
不能拆毀又能挽到明之亡國終不脫碧雲寺是法

擬應制賦得講易見天心十二韻

青冥高莫測東觀覽書林不釋金華殿安知碧落心異
香焚御案端笏集朝簪卽象通無極忘言選太陰何爲
徵瑞獸豈待卜祥禽持管窺元吉因民視自今融融風

入律細細雨成霖人慶豐年兆時聞擊壤吟應圖傳禹
鼎合德受堯琴重啟斯文運咸尊大寶箴神明從默默
俯仰並森森洞處分亭毒探元更繹尋折中承祖訓觀
化契靈襟晝漏移溥影賡歌聽玉音三陽昭宇宙一氣
轉高深從此韋編意龍光永照臨

賦得山意衝寒欲放梅十六韻

空山下微雲玉樹擬欄干漸覺三春信潛來萬仞端細
條經月冷高處受風酸凜冽青松白欺凌紫栢丹驚時
原有性小至已堪觀非默仍幽素無言靜吸嘔晴嵐如
作暖清韻不知寒崖峻烟霞麗林深洞壑寬將探防逕

險久忘悔衣單是玉含香早凝水滿志難何心登大庾
指日寄長年半心通芳氣南枝應翠巒梨花雲裏夢桃
葉曲中彈獨此依修竹相思在臭蘭女牀真閨苑姑射
本仙壇願結和羹子先從黍谷看

全在意欲二字着筆

賦得文章惟返朴寄顧講陞五十韻

靜漱烟霞氣飛懸日月光典暮成黼黻瓊鼎耀琳瑯
昔傳千祀於今邁百王賡歌餘永味玄酒淡流芳作者
未云遠自然安可忘但聞龍變化誰學鳳翶翔綺麗徒
爲爾疎蕪任所將新花艷桃李甘雨種菰蔣蟬聒朝繁
唱蛩鳴夜更長鯤鵬奚九萬燕雀控榆枋至聖追先進

生知且憲章蠭蛇猶在耳麟泣竟沾裳返魯詩書定灰
秦蝌蚪藏綠情還上古通夕滿中央秘府南箕簸仙才
玉尺量迴天開混沌縮地轉洪荒欲正簫韶奏其如際
遇妨射聲珍宋鵠挂角賤羚羊戰陣推平勃俳優富武
彊舟從移大壑火遂烈崑岡黑白尚難辨精微安可當
瑤琴呼解穢羯鼓雜流商莫問祭風鳥休喚書丟磬參
軍原俊逸越石仗清剛歷坂推騏驥登山牧跋牂經營
殊慘淡蟲羣欵鋒鋩不露經松柏愈徵性桂蠹精神正
寂寞意氣忽飛揚老幹非枯木陳根發異香高寒垂象
外皎潔大徵傍太白居炎暑峨嵋積雪霜墨華星燦爛

律中韻笙簧冠冕融巢許林泉蘊廟廊窮源溯河漢盛
事扼滄桑顧子師賢達姑蘇舊豫章歎情如對宇朗悟
過潛陽處處延東閣依依集北堂曠懷文政宅佳興蔡
仙鄉壓盡嫁衣線虛抽絲藕暢逸羣吐蒙叟卓識樂漁
洋寤寐同飢渴音徽接杳茫奇思空海岳幽怨入沅湘
雖渙波瀾濶昭回品物張委深翻灑落投奧更明彰止
此餐風術無他飲露方真鋼柔鍛鍊名繭沸燁湯遵轍
安時論終身守故疆小兒輕漢魏媚俗冒齊梁合砥中
流柱先浮一葦杭何言微怪怒只恐墮清狂

文章千古事一首少陵
造詣所至此作亦然

李陵碑

在萬全縣

客路原多感邊城
朔意寒沙飛搖片石遺恨滿長安報國悲降將終身脫漢冠
心魂誠所托傾仆未能殘氣入三宵迥根深九地盤哀鴻嘶慘淡牧馬苦盤桓帳起笳動天空落日團家聲摧射虎舊跡任驚鸞奔走輕投筆淒涼憶解鞍自傷何敢問相值不宜看履影長虹斷捫胸怒覬蟠生金寧有數定鼎豈無端功名高衛霍蕪沒哭彭韓螭龍長負易精衛欲啣難過雨草先白非霜林已丹只應青塚色遙對死闌禪

賀茂才闔然書來說謝赤城

延嗣

左萬全

承矣同

明府約同刻拙集感事述懷五十韻

鳳鳴太白雪鶴首毗嵐風運際高寒極星分氣象雄衣裳曾共會帷幄庶能同識者精靈遠斯文字宇宙通安知後來秀遂比古人隆賀監神明老虞卿爵祿崇彈頻惟鉢在解速任囊窮絲鍊蒼鷺繁岑簪野鶴籠寄書寧泛泛要約豈恩恩龍卧潛深水鸞棲噦碧桐都官咸所重小草論非公藻鑒緘森爽琳瑯待顯融分投膠漆性臭出蕙蘭叢敢謂齊元亮餘波易葛洪丹沙違夙昔五柳漫瓏璁別具真襟抱迢然倍紀纓萬全馳塞馬赤縣叫邊鴻況復清爲政由來米未豐沙迷春黯淡烟幕晝溟溟

濛單父琴原靜中牟化已充文章誠末契桑梓動淵衷

一諾驚儕輩三峰薄顯穹此生嗟畫虎素志薄雕蟲望

絕先爲客旌懸早息羽越吳遊汗漫齊魯歲倥侗屋浸

鯨波白

康熙寅大木
設屋數十間

園荒柿葉紅

惟存果園三十畝

霜衣園

薜荔稔食進葛蓬殊置飢寒外翻驅燕趙中樓臺新玉

砌殿閣舊珠櫳目極蓬萊島魂縈鳩率宮誰酬劉越石

獨唱李元忠莫射營巢燕何勞夢卜熊班揚輕弊屣蘇

李賤銖銖落筆凌文帥緣情轢國工鱗魚啣白鷺獮鷺

策青鸞萬里黃河北孤身黑水東羈愁雖有托佇興愧

專攻只可供花月那堪補鬱愁西隅忿蚕蜎南斗肆蠭

等仗劍光閒霽鳴絃影屈虹
赫奕澄清事崔嵬帶礪功幾時須掃蕩大道問峯崕欲
附青雲士應悲白髮翁輕肥多故侷荆刷許詩筒及至
方通籍相將盡托轡橫流長淹滾砥柱忽冲冲甫報結
交始能令天地終聲譽聞振迅摸索起愚蒙留記丹心
炯初當皎日空

秋日懸清光

御筆

壬戌七月二十五試內閣中書用三江八韻

晴霄渾碧海大地盡澄江雁唳賓初過鳥飛世所曉通
明高帝座顥氣耀天杠不覺金風肅方疑璧景雙沈寥

山果果閃灼水淙淙雲影開官扇霜輝透瓊窓烟塵兀
日靖葵藿早心降願照仙盤露長瞻有道邦

舟過德州訪田博士小山薑

十年一相見此別見應難老去兼多病誰能不盡歡評
詩方進酒閣筆頓加餐石溜花間響芭蕉雪外寒流年
沈劍氣砥柱挂儒冠繩武開餘韻緣情得曠觀芸香通
徑草壁素潔齊紈自足存松菊何庸振羽翰舟人催鼓
櫓逸興正飛湍抵掌翻金竽高吟碎玉盤階庭俱挺拔
罷宇醉芝蘭倒屣宜王爍歸程迫幼婁擢琴逢有數以
錦集無端空裏清風吹魯中古井淵江河流可廢日月

壁長完好是當搖落其如罷擊搏鷹揚堪虎伏隼繁遯
龍蟠但惜霜盈鬢休談少據鞍方山雲過白庭樹葉初
丹記取留殘照臨行幾度看

壬戌至鄰署晤王興若是日冬至值其誕辰

春回天地秘日麗海山榮偶過鳬飛處新輝鳳紀城殊
恩深簡在甘雨潤遺岷車下連荒歲身經合動情三冬
勤賑恤四野已均平重典仁方靜抽薪沸自清舍舟從
北至觸凍又南征且喜循良頌先叨故里榮茂林休倦
鳥溟意聚浮萍坐見葭灰起潛知梅蕊生風高一諾遠
雪霽寸心明所進惟仙露當歡只細傾

壬戌秋舟發張家灣至蘓州欲從彼處旋里道中
卽事書懷寄馬七授疇一百韻

石光成五色臺廻只三休混沌昭靈續崔嵬現故邱女
媧焉可及仙掌本無傳義快衝星象精偏射斗牛離家
盈半百何事久遨遊舉世饒青眼勞生到白頭荒涼層
狗者遲暮牧羊不藥病良仍鳩營巢拙並鳩薪灰餐積
雪指動榛乾餚永謝燕山路孤牽汝水舟崢嶸陳典籍
堆壘弊衾裯歸興哀如庾李一作來時晚若榴輿圖尊寶
門幽谷扼咽喉河岳開天府乾坤鑄帝州於今空玉井
遂古覆金甌勁弩穿堅鎧干將折利矛生駒捷驥喪死

閩勇貔貅鮮食鼠肪異

邑產黃鼠俗稱佳味

安知桑落謬

邑今尚號此酒

史才希大漢厚俗見西周漫逐登壇影徒招破產流

作一

尤隨槎將適願縱葦卽乘桴塞雁寒初暝檣鳥速置郵

雙雙驚宿鷺處處起群鷗楊柳供憔悴蒹葭慘鬱

煩卜築夢裏亦城愁汎重魚梁淺霜繁蠻斷稠瓶罍

翻鬪艇筆拂逝狂颶闌閉嚴鎖灘高陌滯留

南陽以上水淺

南陽以下水漲無緯路濯纓聞聖哲洗耳便巢由

滄浪泉洗耳泉俱在嶧縣

渡私津更微風過石尤憶君如昨日送我向邗溝又是

河梁別非爲予美旣行蹤聯困躡握手再綢繆兵甲胷
中貯雲烟岱土浮博觀縫掖但孰與季常優魯國工碑

版張芝染絹紬揮毫盤俊鵠自許度驛騮若輩甘浮慕
明珠竟亂投

求書者貴賤賢愚皆不阻

又一無酬贈

希堆案恒滿

就茲墨池水已

溢錦江流况復豐詞賦真誠動冕旒空拳探虎穴掉臂

擾龍湫爛熳新英發從容屈玉柔銛鋒談破的理窟極

冥搜鷄肋官隨罷猪肝價自齧諧和廡下案雨雪桶中

迷隱此苦寒况深吾貧賤訛紀綱紛擁傳瓜葛且鳴騶

絕倒杞人怪闌殫棋子攸崇朝榮幻泡四海釀陰俠造

物魚龍夜當時蟋蟀秋桂叢招更隱蘭谷爲誰幽所恨

身先老終衝志未調連移雷電緩意協鬼神謀豁達兩

方鏡英雄蘊直鉤白衣妨黼綏皂帽化兜鍪誓洗儒生

腐恭分

聖王憂長纓南越繫飲器肉支鑼兼中原

恥寧遺外國羞

時西虜未降苗幾小梗泛湖曾霸越辟設亦封留

謹銅琉璃匣長披薜荔裘桃花開洞口松子待瀛洲出

處俱寥闊奔馳懶轡撥雲晞楚道破浪卧吳遊鮫室

隣漁舍斯兒果善泅尖風尋戶隙稷霰透牕油書少圮

橋授饑無漂母惆直堤帆始挂曲岸索應收欲著江都

策方援少伯枹田夫封蚌蛤稚子摸𧈧蚌親履滄桑境

潭迷試畝疇通霄烟撥刺卜晝霧啁啾旭澹昏寒兀航

危弄沐猴邊淮蹴溟渤洪澤匯諸漫昔記村墟政今傷

節序遁經任懷李杜閑沛弔曹劉北海思文舉南陽感

武侯須臾殊往跡悵望每空慘樹立固宜早勲名安用
綵二儀競位育六月滌蒸煥醉去相梁宴醒餘大帝嘔

整襟矯羽翰府首泳鯛鱗契濶嗟淒錦片沈豈迺籌青

毡多盜竊絳帳共薰蕕龜勉需鴻業桑榆潤大猷子雲

矜曉事得意惠良游

媒也與淳行意別鳴息聊書記

別時有制府廷馬代

招鸞聲擇直科賞音猶易覩知已恐難求渭北傳消息

奏江南任去留遼陽同處士王者委黔婁鄙邑嘉穀味紗

巾灑酒葛登臨疲嘯咏伏臚費交酬笑看胡旋舞閒聽

叩金謳染園蝶栩栩萍野鹿呦呦卧榻遮籬落芳塵厭

蔚蔚豐亨驅猛獸凍餽震潛蚪京朔揚堯彩神京參舜

賄群愚何足計衰疾豁然瘳已矣鉛刀割嗟哉棘七掠

力稀天莫補舌在月堪修俯視三千界橫擇十二樓

一段欲以功業見不欲以文章名遂至白首無成而

出都苑里也二段秦地之佳勝上十句就全秦言下

四句就蒲城言末二句以妄想去鄉也三段寫閩河

風景至台庄而止言尚行本欲速到江南急急旋里

而還遲滯事事不能如意也四段以已之窮困思馬

之苦寒固自傷貧賤不能拔濟也五段貧賤之故時

不偶也六段四句收上起下七段書懷正文八段入

淮風景兼弔古也九段追寫閩河弔古以見歲月如

流時不我與也十段言焉猶有賓者之望而已終無

知已也十一段廢里後情事寧知白首之心也

一段後卽當接寫隨槎適頤鄰寫秦地佳勝者江南

之行亦爲旋里故也水程風景作兩層寫自是正法

自然淮揚風景弔古夾寫而閩河弔古在淮揚後追憶

正法活未極快轉折靈變詩雖百韻只是兩段

前半所恨身先老後半終銜志未酬也

贈王志仁四十韻

子規鶯不得十月到揚州雨雪交加度帆檣歷亂浮危
行翻地轉安命負天游髮短兼貧病心長背墓首作邱

辛酉三院保選志仁同陞淮安府鹽務通判竟爲御醫可歎

官寧應泛海定遠阨封侯涉世險如此他鄉何所求今
春時枉駕便道暫相留餘力有贋贈明珠無暗投功名
當少明運會偶夷猶辛酉三院保選志仁同陞淮安府鹽務通判竟爲御醫可歎莞爾香黃綬怡然任曲鈎裕儲爭易聚淡食賴持籌是載
能兼讓官卑寡悔尤台司膺俗累散職獨清修群望飛
鳴鶴相隨信野鷗高情緣近古過客賦登樓抗鼎移山
重摧枯拾翠休多年通井巷假館始綢繆尚憶尊前約

聊舒歲暮愁修齡應向謝王粲肯依劉琴瑟須同調
風絕匹儻囊空探久憊道廣恐難周自顧龍鍾甚那堪
英妙鱣燕雲四千里齊楚一孤舟霜轡波間影風欺弊
後裘夢魂濤濤滾滾篤槽步悠悠夕霧封三輔朝晴到十
洲淮徐渾大室城郭半荒疇衰柳勞迎送神鴉解應詶
垂髫雄破浪沒齒慰冥搜誰與共車笠徒聞識斗牛乾
坤妓舞鳳造化媚潛虬俗薄存知己生離轉贅疣歸心
方切極浪跡又間遊言別仍疑昨重逢忽邁秋梅香懷
古嶺竹葉湧邪溝玉筋淚談晏永壺照獻酬形神親接
座方寸湛寒湫萬象光初合三冬氣已收東南傳旅食

染梓見嘉猷春草明年綠吾將渡渭流

舟至維揚解悵情懷贈陳蘭田四十韻

遙戶閉燕市曾叨音問輝故人多不賤縞紵已全非少
負王孫劍功期玉帳旂將資窮海士盡返舊柴扉富貴
應誰物衰榮信所歛君知清渭叟真息漢陰機往者嬰
監使飄然去瑣闈後來薪積上孺慕祿須希蘭田監督
北新倉寺
湖相城留耕吏部事候題陞本部主政
方翁出外迎養在役者今果皆遠去
家隔洞庭淵春
迎護草菲遲留移地軸咫尺接天威東閣空垂顧南牀
妙可祈升沈安足計溫清更齡忽感金蘭契肯遺膠
漆誦長勤孫楚駕每倒蔡邕衣夜永炊烟直苦殘徑露

晞燈花開雨雪塵尾落珠璣本欲由漕運携行出帝畿
力綿陪薦剝俸薄未輕肥魯甸魚游釜梁園馬脫韁休
栽元亮菊漫採首陽薇萬國無茅屋三秦有釣磯塵中
勞極日夢裏失驂騏老病遙相訪平生諒莫違路難經
漲沒盜竊苦年饑舟楫防孤泊淮黃渺四圖朝愁灔澦
險夕惡竈鼈依穀困情殊邈途車義獨歸徒誇酈季巧
適今孝標譏交態惟驚座謙恭若下幃悠悠前意氣歷
歷尚芬霏竈火喧畦稜去聲群奔靜指揮從容調美膳亦
是宰郊圻奇偉符明哲甲寅引見大通橋監督放正爵
訖次蘭田奏對憲皇帝欽獎
者再無才華豈庶幾鍛鑪嵇叔夜高咏謝玄暉一諾何

其久千秋此會稀茱萸灣在望芍藥宴堪蹄壯志猶英
猛虛名轉式微霞能催月走風解送雲飛自古傳傾蓋
於今似佩韋邗江水深淺歲暮好言歸

過淮上訪顧漕運用方十六韻

淮水清何極官高依舊貧棗梨原所仰紙墨豈終淪河
使記前事度支方此晨不曾輕一諾益見足千春日到
東南曙風和節制頻鶯花榮九道舟楫動三辰薄海同
推者緣情獨解人誰能無我位默識已書紳每憶荒臺
釣常期漂母隣水開今過楚天遠欲歸秦大業虛微志
餘生愧老身龍鍤爭歲月芳草玩陶釣秋實多相如空

華幾等偷妻然猶強項安得息勞筋地廻非無術謀深助有神莫言魚在釜心許卽經綸

弱水過淮上顧公其故交也然義不進署投以此詩遂枉駕至小舟其盛德無我如此且慨許作達刻弱水所著李義山詩解並唐詩成法其忠信明決又如此革夙聞天下推公爲第一流卽此事已見一斑矣

杳然不解後竟

湘潭後學陳樹萃識

送蘇村劉學使入都赴宗人府丞任十二韻

方慰暗中識旋爲千里行北溟重羽化南極孤星精雲
斷茱萸水天迴紫禁城壺觴封古道琬琰揖諸生幸與
仙舟渡叨傳黑石名雨來滄海動風起大江鳴辭聘偶

然事知音遺世榮泣朱多困蹟說項費經營泰華無離合
饑寒有性情飄流心未折遲暮欲歸耕此去膺殊渥
將來問老成英雄羞別恨不覺忽怦怦

送吳岱瞻明府之姑蘇時將復官

以予不得志君宦正蹉跎勞費移山力將爲指日戈夏
雲寒作雨江水浩無波好渡意難渡經過誰復過燭幽
開白日清澈見黃河鵬化生新羽鸞翔宿舊柯端陽方
薦杏涇畔及看荷莫聽吳娃曲須防醉尉訶白頭疑翰
墨千里駕龍鼉淮海名空在芝蘭竟若何知心非夙昔
投分義嵯峨歲月催紅樹乾坤老綠莎一編終守素三

夢恐迷多轉計尚堪待相期安敢訛棗梨功未就薑桂性仍和行矣提攜事寧愁委薜蘿

送李芾思孝廉之燕

年少曾相見蕭然逸世情何爲來楚客汎愛及秦庚河海源初合幽燕義倍明奔馳忘折桂經過共餐英水驛荷香動山田麥氣清弓刀隨魯甸刁斗衛齊兵一第艱黃綬三回使玉京火雲焚濁浪驟雨濯塵纓戎勞泥沙淺舟多欸段行敢辭炎暑厲肩負職司名值此天輪運愁予地軸橫深期瞻華岳豈料滯蕪城蚊喙雷殘幕蠅汚玷佩珩幸哉無毒蝎允矣有鵠鶯當路風猶古新書

梓易成

子所著唐詩成法玉溪先生詩意皆付刻

舊交方介石傾蓋又浮萍

謂劉蘇村學使吳甘泉明府

總得塞鴻羽誰吟班馬鳴空囊兼老病

遠道怯長征瞬息秋花落徘徊雪意生望君早旋旆辛

苦變恩榮

康山

故國推豪達康公著有明姓猶留異代跡尚指蕪城訪
古嗟來晚當胸磊未平枯樹花爭發罿塵水自清勢壓
廣陵重光連星斗精瑟琶飛浩氣詞賦見交情已覺人
烟密依然彩翠生滄桑仙掌外猶自以山名

俗傳中山狼傳乃對山所作幾空同負心者後讀二
公集詩文往來一生交好至死不替知俗傳皆誣也

偶過禪智寺

鳥鳴新雨後人過晚風前底事尋荒徑無心自廢禪瓊

瑤留宋代

坡公有詩

棟宇竟隋年欹柳綠思臥野花紅欲然

苔滋兼露滑瓦側賴簾纏忽覩叢林竹因懷獨繭絃賞

音香漢得求岱海山懸磊落時流消虛無國士憐雲知

今夕歛月向斷碑圓苑靜生春色塵消見夙緣殘僧餘

佛火破屋洩茶烟山送江南岫帆飛冀北船小橋明月

路古井蜀圖泉只合來蕭寺悠悠問白蓮

北來寺

哀詠堂禪師

已過北來寺翻然重繫舟此中函別恨身外復何求啼

鳥嘯生客殘僧獨上樓風吹雙樹冷春送野花愁好是虛空得真成汗漫遊清言如可住白日亦堪留不到香臺久終悲逝水流微雲與新月松際共悠悠

平山堂五首

曉日懸遙秀香風倒射回溪山猶未改金粉爲誰開十年今又過千里夢曾來龍文飛翰墨蜃氣幻樓臺必竟精靈在何妨歲月催青苗頻得雨白鳥晚成雷海鏡辭餘照金刀豈濫裁那知聊俛仰所幸未沈灰

客心不可道陳跡自云豪濃露濯楊柳涼風清縕袍雲中開翠幄空外響笙璈新種千株樹居然萬頃濤紛絳

孤立盡延佇遠遊勞前度人先老今來月又臯

昔遊在端陽後

今又值是月日臨遙岫廻身比夕陽高自是巢凡羽安能少

鳳毛幽林滋永久城市近巖簪何必皆松桂烟霞制作

牢爾雅釋天

五月爲臯

今日晴兼雨堂中趣不稀徘徊能幾刻景色已多違驅
電流滄海迎陽出帝畿千年何太遠萬事豈相依况葺
雲山閣還增竹樹圍無復生餘想我心清且微

蟻赴來遊者衣裳半雅人高談開別賞縱酒偶相因隱
隱遠峯見依依流水春細烟生徑草藏雨響謾筠對此
將何適重經定幾旬喧多天欲靜坐久興難論院宇殊

疏豁軒牕又斬新齊聲同泛愛豈念化如神紅藥口成
寶白雲心獨親歐公良好士搔首望西秦

百花落皆盡芍藥難獨芳棟宇舊存古烟霞新不忘鶯
啼知命侶雁度已無行信此邀靈魄同誰弔夕陽隔江
山欲渡入座酒盈觴徐玩柳絲綠如看金帶黃清泉濯
素影石徑通幽房縱目攬佳氣凝懷鎔冷光亂雲歸海
疾疎雨過階涼渺渺喚仙馭飄飄期帝鄉在天猶可問
何客始堪當時有薰風至忽隨邦水香

賀綸音招天寶觀納涼

有序

觀本故明隆萬間西客朔造有水田菜園百餘畝兵燹後爲土人攘奪殆盡廟亦傾頽力圖恢

復綸音頓還舊規不爲無功此州道院瓊
花觀外惟天寶稍可游覽故篇末及之

翠葉交深樹城南曲徑長風清天寶觀名亞古維揚白
日焚荒野紅塵自沸湯驅馳滋垢腻神彩忽飛揚仙果
斟桑落佳殼進稻梁故人除酷吏封事奏雲章赫怒承
嚴譴精誠動玉皇百靈移火宅六月易冰堂貝葉多禪
室瓊花一道場經營才不小棟宇力何強久滯游淮海
誰能搖廟廊酒闌倍慷慨不復覺炎涼

登金山

太清誰獨立江水共高渾鎖鑰東南壯烟雲牛斗參嵯
峨諸派湧浩蕩一峯蹲浮玉宜開月觀濤不閉門翠微

深佛火橫笛起漁輪正是逢搖落先教見曉暾潮來寒
鐵甃泉汲湛窟樽涉險會無路憑虛可叫闇乘風凌絕
頂資化識神元萬頃塔前轉三宵檐外奔嵐衝星漸搘
氣挾翠孤騫忽覺物皆靜潛忘波不翻巍巍窮地脈渺
渺盡天根合置黃花徑真成白石村蕭疎方丈室繚繞
給孤園頓失江山秀徒增鄙俗煩數間留貝闕相對契
崑崙吾意每多感餘生寧足論崢嶸懷往古戰伐控中
原坐閱廣陵陣臥清京口誼甲兵雖百萬鎮靜付潺湲
霸業吳難問奇功宋尚存斬王遺故迹兀木死消魂他
日客猶恨過時聲欲吞霜濃澄爽氣暑退漲沙痕送鶴

歸滄海鶩鴻出塞垣秦川登大華魯國遡東藩至此嗟
天塹居然竦混淪鳳翔效朔漠萍泛遍乾坤未敢輕投
筆行將事釣輪聯焦聊伯仲列岫只見孫耻慕三公貴
安知五岳尊明河攀桂子斷岸棟桃源雖與蛟螭近長
辭燕雀喧塵飛遙自墮霞起近堪餐擊楫中流去回頭
難與言

焦山四首

屢役勞京口焦祠酒一樽風聞心所仰雨冷日初開銀
跡天然畫朱絲地綱才江清流不染岸斷勢難迴望姓
青山得高名赤帝來一作秋聲白帝來一作秋聲焚香應識我聚久不沈

灰

纔到已嫌晚茲遊亦偶然空知贍隱士敢謂謁金仙
今日又明日百年能幾年人間雲際寺世外水中天雨露
低花木亭臺繞石烟欲令高興盡經歲此留連

亦覺人間世冷冷水氣中奔流到遠海應念來仙宮寂
寂迴孤雁微微鳴草蟲飛光諒不俗秋色偶然通潤冷
石烟月陰深松竹桐江山旣如此相與空復空

高山意難盡茲寺何紛紜落葉飛紅雨齋鐘叩白雲此
時其別賞隨處延清芬秋氣漸相許江聲閒不聞夕陽
柴草露折月霑苔紋去去定誰向如離鶯鶴羣

晤李客山二十韻

此生屋梁月重晤恐難稽久病頭俱白長貧面白黧近
將山塞北歸去直關西豈意隨流水依然訪古溪開懷
非夢寐把臂再扶攜階樹龍鱗長叢筠鳳尾齊研田仍
儉歲逸志合卑栖不涉波濤險安能雨露低火雲蒸草
舍早懸烽瓜畦飛動關何事囂煩治佩觿多時滄海澗
勞我旅魂悽渺渺姑蘇月冥冥菰市藜十年空說項斯
世愧攀犧過耳風無跡行踪架墮泥餘生終困蹠用等
付縑題決計驅新犢安心牧乳瓶江河源不改胥漢王
爲梯斃歌還鄉騎同然照水犀闌殘方寸紙擇盡古今

卷十一
迷相對留蜚景凌雲駕紫霓

李洞詩何須鑿井
飲門古溪居

書夢堂詩集後

微微新雨後淡淡涼風生頓覺羣動息孤雲行處行空光松際月石瀨草間聲了了此時意蕭蕭秋氣清彈琴絃落落鼓瑟韻鏗鏘忽發山巔嘯誰聞玉笛橫百年半客路四海一浮萍幽燕多貴仕吳越擅高名舉世盡風雅斯人真性情豈必貪寒極都辭勢位榮心裁聊自悅物役卽塵羨何有雷霆怒能令聽者驚問津到星漢垂釣過蓬瀛渴飲碧霄露餞餐湘水英由來當短夜方悟已深更剪燭將三復鄰雞亂鳴

偶題四首

柴扉無剝啄曲巷忽聞謳習靜廢書坐離羣何所言兒童相顧盼使者惠璵璠老病蹣跚步炎蒸晝夜昏儼然封火未敢謁軍門久謝西園蓋何來北海樽居原隣市肆客寓卽鄉村自笑窮途叟如何妄自尊

偶爾到燕市多年懶下牀著書迴日月和藥共炎涼掣電三天轉騎雷四海翔未知鳳鸞彩安問狐狸蒼小草新桃李幽蘭老桂蘋簪纓或一過迎送俱相忘晞古定遺累隨時難掇芳非哀元禮老同恕醜夫狂

魯國仲連子不隨帝秦君後來汲長孺長揖大將軍志

士能邁俗常情尚虛文風焯蕙蘭氣塵揚蕭艾芬入夢
墮花霧離魂消彩雲葉公好難信祖思拜何云爲問鸞
鳳侶何如虎豹羣一從渡江水夜雨隔簾聞

深知人世淺淮海一孤舟曾枉劉昆駕辭登庾亮樓青
山知獨往綠水鑑同游每都望塵拜不因久客愁情連
銀漢轉心折火星流已是逢朱夏何時到素秋聞風嘶
代馬見月喘吳牛涼爽應非遠西秦古常州

蔚文太守枉駕寓齋四十韻

一言聞好友致齋侍御管鮑盛於斯何必會頻晤居然更不
疑青雲高北闕紅豆發南枝梅信香無賴塵緣繫所私

遠知驛雨露自覺漸躋緇宇宙韓陵石消磨華岳碑千
秋將遠托孤處本無爲誰料龍安府中拋鳳占池天留
遼霧眼人耻鑄冰髭日月光流水河山罷測蠡誓遵函
谷道翻過佛狸祠暑逼舟航隘貧慚胥斗詔雲韶暗草
木剗剗乘般倕若使市牙重因令風雅漓時有穿花看
其事

戲蝶隔葉聽鵠鶴但愛嬌清富渾忘嫫姆媿博觀懷玉
牒廻首望金羈悔不長安陌聊尋廣被資雲間旣富矣
日下將安之云採芳洲若終悲獨繭絲當共離紫陌便
擬誦黃芝遇雪愁良士無金鑄子期鬪闇緣倚棹畫轡
忽褰帷尚想猶千里何期又一麾夏平超澤濁頓爾洞

瑕疵照膽芙蓉鏡驚心藥石規平頭森竊聽比舍遠潛
竊屢剪燈偏燼雄談漏轉移烟霞鎔傲骨冰雪鑄癯姿
歷歷徵書避悠悠醴酒辭公卿空下榻麒麟未經騎不
謂今相見殊勝我自知老成當綺歲騰達待瓜時治績
無他術興情有最宜綠陰炎景靜朱夏稻華滋地易多
餘論賓難少異詞窮通雖別運出處得同羈丹桂月中
樹黃花霜後籬且煨良夜芋行採故園芝素願寧堪問
非貪幾卷詩

答蔚文太守六月贈詩二十四韻

所期諒不淺愁外得逢迎細讀瓊瑤贈當時感慨生遙

看惟綠暗却說正朱明落寶後堪採琪華前已成孫郎
藏復璧公子問虞卿共著書俱在流傳事獨榮雲山長
北向日月竟東行庶就千秋業何須五鼎烹飛翔方擢
秀肝腑昔餐英嫋嫋幽琴奏鏘鏘寶鐸鳴以茲能煥彩
寧慮載和羹自足騰佳氣悠然燭太清人言多遠托天
意薄虛聲易得殊高爵難居是盛名八旬心半死浹歲
苦長征滄海一盃水微軀千里鯨囊錢貧趙壹辟穀老
承禎竊慕排時難嘗羞與俗爭炳文陰豹霧垂翼息鵬
程笑殺三都貴從教萬戶輕新知如舊識衆目本宜驚
摩索忘年契依稀戴笠盟涼蟬飲惟露野鹿食無莘三

宿非吾願江船渡口橫

暑夜卽事次夏望青韻

無端連夜雨九夏作

去聲

三秋涼可迎風臥誰同秉燭遊

胞鳴兼吼瀑檐際喚鄉愁幸少征鴻悵疑聞促織啾炎
蒸驅所願蕭瑟恐難留屋漏頻移榻更深敢倚樓耳聾
迷鳥語眼暗共羊謀往事空重省餘生尚未休真令梧
葉落孰與柘烟浮霧積繁階轉波喧繞舍流蚊雷如肯
蟇螢火正宜籌方愧來吳會何殊記刻舟

王府基

張士誠王府故基有明三百年鞠爲茂草近始築官屋數間高皇帝嘗以上梁文毅魏觀高啟

兩名士其忌
刻沈何爲哉

挑動黃河後羣雄霸一方長洲初割劇京口啟封疆故
宅依然在空閭已就荒安知經異代猶是說張王宮殿
空流水江山半夕陽當時留玉几無處置金牀所寶皆
浮薄開基豈久長幾曾沾雨露轉見落冰霜興廢循環
理殷周未可望天意何其速人心最易量大明恢寓縣
嚴法振頽綱誅戮驚神鬼簪纓痛頓頗由來千古恨却
爲兩賢傷風物思前事乾坤冷戰場藏胸森矢石賈禍
起文章但負鴻生劍非求尚父蹠濤翻艱楚道風順送
吳檣陳跡疲憊乃斯遊更慨慷中原聊掃蕩猛士漫飛

揚胡李寧堪慕徐常幸不妨九州稍禮讓四海共梯航

濟世建炎漢除秦歸故鄉重瞳尊本紀大史具精光草

竊何須數羣情尚未忘青田功浩大綠柳咏悲涼

青田過蘇

州咏柳絕句意甚悲涼似人以
涼似人以爲張王而作也

茅屋丘祠宇社公微酒漿土人以爲張王爲

神運移三百載醉過萬千觴土室雖偏小柴扉亦棟梁

普天無舊業誰與問高皇

晤王慧音話舊卽題於萬山踏月圖上二十四韻

聚會尋常事貧交古所難主賓同作客奔走各飛湍梅嶺開雄峻仙霞恣游漫爲問桂江水曾經銅柱灘萬峯天一線孤月掌中丸馬踏青霄上人行紫霧端虛空潛

得路霜露不知寒欹石解鞍坐照心連夜看山川隨處
秀閨粵並堪餐竹樹森靈籟乾坤冷玉盤非仙嘗鴛鵠
長嘯和鳴鸞歸日終相憶游情滿綺巒空聞秋氣爽忘
却曉星殘幸我舟遲返當君鉄亦彈別來雙鬢白依舊
寸心丹臘盡纏逾魯春深始過邗玩芳仍塞草遇賞誤
湘蘭本自傷元叔何期序士安謂劉蘇村遭逢聊可想翻覆
甚狂瀾富厚吾誰計登臨物外觀能融幽勝意爰有晤
言歡蒼翠漏蟾兔鬚眉生羽翰吳城今夕話燕市往時
歎書就如重見花開到杏壇雷次宗傳爰有山水之歡晤言之歎

歸舟過虎邱

久橫官道側古墓亦云佳千載永難晤九原安用嗟風
當秋易勁帆逆木宜斜西北雲亭蓋東南雨亂麻買瓦
帶下組白傳堤邊沙莫更望金虎已聞啼暮鴉向來越
國蠡曾進吳宮娃雙曲若無骨雄飛寧在瑕紫尊新熟
味紅葉贊明霞聽法惟頑石喧蜂報午衛相逢傳旅食
着處盡浮花朝出炳文豹夕陽影沼蛙何堪天一晒不
值鼓三撻兒女有勾踐皆能躍若耶